

Na osnovu člana 52. stav (4) Zakona o zaštiti okoliša („Službene novine Federacije BiH“ br. 33/03 i 38/09) i čl. 26. i 28. stav (1) Zakona o Vladi Kantona Sarajevo („Službene novine Kantona Sarajevo“ br. 36/14- Novi prečišćeni tekst i 37/14- Ispravka), Vlada Kantona Sarajevo, na _____ sjednici održanoj _____ godine, donijela je

Nacrt

UREDBU
O STRATEŠKOJ PROCJENI UTICAJA STRATEGIJA, PLANOVA I PROGRAMA
NA OKOLIŠ

POGLAVLJE I – OPĆE ODREDBE

Član 1.
(Predmet Uredbe)

Ovom Uredbom uređuju se uslovi, način i postupak vršenja strateške procjene uticaja strategija, planova i programa na okoliš (u daljem tekstu: strateška procjena), radi obezbjeđivanja visokog nivoa zaštite okoliša i unapređenja održivog razvoja integracijom osnovnih načela zaštite u postupak pripreme i usvajanja strategija, planova i programa (u nastavku: plan).

Član 2.
(Pojmovi)

Pojedini pojmovi u smislu ove Uredbe imaju slijedeće značenje:

- a) strateška procjena (strateška procjena uticaja strategija, planova i programa na okoliš) – vrši se u postupku u kojem se procjenjuju vjerojatno značajniji uticaji na okoliš koji mogu nastati provođenjem plana, a podrazumijeva pripremu strateške studije, provođenje postupka konsultacija, uvažavanje strateške studije i rezultata konsultacija u postupku odlučivanja o određenim planovima, kao i pružanje informacija o donijetim odlukama;
- b) strateška studija – je izvještaj koji se prilaže uz određen plan i sadrži proces provođenja strateške procjene uticaja na okoliš, identifikaciju, opis i procjenu mogućih znatnih uticaja na okoliš zbog realizacije plana, kao i varijante razmatrane i usvojene na osnovu ciljeva i prostornog obuhvata plana;
- c) plan (strategija, plan ili program) – su svi razvojni ili drugi planovi i programi, osnove i strategije na nivou kantona, grada ili općine;
- d) nosilac pripreme strateške studije – je organ nadležan za oblast za koju se plan donosi;
- e) nosilac izrade strateške studije – je pravno lice koje sudjeluje u strateškoj procjeni sa izradom strateške studije;
- f) nosilac pripreme plana – je organ nadležan za oblast za koju se plan donosi;
- g) ministarstvo – kantonalno ministarstvo nadležno za zaštitu okoliša;
- h) zainteresirani organ – su zainteresirani organi uprave, druga kantonalna ministarstva i javne institucije iz oblasti zaštite okoliša, prirode, kulturno-historijske baštine i zaštite zdravlja ljudi;
- i) javnost – je jedno ili više fizičkih lica, njihovih udruženja, organizacije ili grupacije;
- j) komponente okoliša – uključuju biološku raznolikost, stanovništvo, zdravlje ljudi, faunu, floru, tlo, vode, zrak, klimatske faktore, materijalnu imovinu, kulturno-historijsku baštinu, uključujući arhitektonsku i arheološku baštinu, pejzaž.

Član 3.
(Načela strateške procjene)

Osnovna načela strateške procjene su:

- a) načelo održivog razvoja, koje podrazumijeva:
 - 1) očuvanje prirodnog naslijeđa na način da stepen potrošnje obnovljivih materijala, vodnih i energetskih resursa ne prevazilazi okvire u kojima prirodni sistemi mogu to nadomjestiti i da stepen potrošnje neobnovljivih resursa ne prevazilazi okvir prema kojem se održivi obnovljivi resursi zamjenjuju,
 - 2) da stepen zagađujućih materija koji se emitiraju ne prevazilazi kapacitet zraka, vode i tla, te da apsorbuje i izvrši preradu zagađujućih materija i
 - 3) stalno očuvanje biološkog diverziteta, ljudskog zdravlja, te kvalitet zraka, vode i tla prema standardima koji su uvijek dovoljni za život i blagostanje ljudi, biljnog i životinjskog svijeta,
- b) načelo integralnosti, koje se zasniva na uključivanju uslova zaštite okoliša, odnosno očuvanja i održivog korištenja biološke raznovrsnosti u odgovarajuće sektorske i međusektorske planove,
- c) načelo predostrožnosti, koje podrazumijeva da se korištenje okoliša organizuje i vrši na način da se spriječi zagađivanje okoliša i šteta po okoliš, te da rezultira najnižim mogućim stepenom opterećenja i iskorištavanja okoliša,
- d) načelo saradnje i podjele odgovornosti, koje podrazumijeva uključivanje u procjenu uticaja planova i zajedničko djelovanje svih subjekata u cilju zaštite okoliša, a u okviru svoje nadležnosti i odgovornosti,
- e) načelo javnosti – u cilju informisanja javnosti o određenim planovima i o njihovom mogućem uticaju na okoliš, javnost mora, prije donošenja bilo kakve odluke, kao i poslije usvajanja planova, imati pristup informacijama koje se odnose na te planove.

Član 4.
(Način provođenja strateške procjene)

- (1) Strateška procjena se provodi u dvije faze:
 - a) odlučivanje o vršenju strateške procjene;
 - b) postupak vršenja strateške procjene.
- (2) Odlučivanje o vršenju strateške procjene obuhvata:
 - a) potrebu vršenja strateške procjene;
 - b) kriterije za utvrđivanje vjerojatno značajnog uticaja plana na okoliš;
 - c) mišljenje o potrebi vršenja strateške procjene;
 - d) izbor nosioca izrade strateške studije.
- (3) Postupak vršenja strateške procjene obuhvata:
 - a) utvrđivanje obima i sadržaja strateške studije;
 - b) proces izrade strateške studije;
 - c) formiranje stručne komisije;
 - d) ocjenu strateške studije;
 - e) konsultaciju sa javnošću na nacrt plana i stratešku studiju;
 - f) potvrđivanje strateške studije i usuglašenost prijedloga plana sa strateškom studijom.

POGLAVLJE II – ODLUČIVANJE O VRŠENJU STRATEŠKE PROCJENE

Član 5.

(Potreba vršenja strateške procjene)

- (1) Strateška procjena se obavezno vrši za Prostorni plan Kantona Sarajevo.
- (2) Za ostale razvojne i detaljne planove iz oblasti prostornog planiranja ili upotrebe zemljišta, te iz oblasti poljoprivrede, šumarstva, ribarstva, lovstva, energetike, industrije, saobraćaja, upravljanja otpadom, upravljanja vodama, telekomunikacija, turizma, očuvanja prirodnih staništa biljnog i životinjskog svijeta, o potrebi vršenja strateške procjene odlučuje Ministarstvo prostornog uređenja, građenja i zaštite okoliša (u daljem tekstu: ministarstvo) na zahtjev nosioca pripreme plana.
- (3) Nasilac pripreme plana dužan je prije započinjanja postupka izrade plana pribaviti mišljenje ministarstva o potrebi vršenja strateške procjene.
- (4) Zahtjev za mišljenje o potrebi vršenja strateške procjene treba sadržati relevantne podatke, na osnovu kojih se, u skladu sa utvrđenim kriterijima iz člana 6. ove Uredbe, može odlučiti o potrebi vršenja strateške procjene.
- (5) U postupku izrade ili izmjene planskih dokumenata se prilaže nacrt odluke o pristupanju izradi ili izmjeni planskih dokumenata čiji sadržaj definira Zakon o prostornom uređenju Kantona Sarajevo ("Službene novine Kantona Sarajevo", br. 24/17 i 1/18) i popunjen Prilog 1 ove Uredbe.

Član 6.

(Kriteriji za utvrđivanje vjerovatno značajnog uticaja plana na okoliš)

- (1) Kriteriji za utvrđivanje vjerovatno značajnog uticaja plana na okoliš naročito su:
 - a) karakteristike plana, naročito u odnosu na:
 - 1) stepen do kojeg se planom uspostavlja okvir za realizaciju projekata i to u pogledu lokacije, prirode, obima i uslova funkcioniranja ili u vezi sa raspodjelom resursa,
 - 2) stepen do kojeg plan utiče na druge planove, uključujući i one u različitim hijerarhijskim strukturama,
 - 3) podobnost plana za uključivanje pitanja zaštite okoliša, posebno sa ciljem promocije održivog razvoja,
 - 4) okolišne probleme važne za plan,
 - 5) podobnost plana za primjenu legislative Evropske unije iz oblasti zaštite okoliša,
 - b) karakteristike uticaja i karakteristike područja na koje provedba plana može uticati, naročito u odnosu na:
 - 1) vjerovatnoću, trajanje, učestalost i povratnost uticaja,
 - 4) kumulativnu prirodu uticaja,
 - 5) prirodu uticaja van područja Kantona Sarajevo,
 - 6) rizike za ljudsko zdravlje ili okoliš (npr. uslijed nesreća),
 - 7) veličinu i prostorni obuhvat uticaja (geografsko područje i broj stanovnika na koje će vjerovatno djelovati),
 - 8) vrijednost i osjetljivost područja zbog posebnih prirodnih obilježja ili kulturno-historijske baštine, uslijed prekoračenja standarda kvaliteta okoliša ili graničnih vrijednosti, uslijed intenzivnog korištenja zemljišta i zbog uticaja na područja ili pejzaže priznatog zaštićenog statusa.
- (2) Ako je plan sastavni dio određene hijerarhijske strukture, strateška procjena se vrši u skladu sa smjernicama planova višeg hijerarhijskog nivoa.

Član 7.

(Mišljenje o potrebi vršenja strateške procjene)

- (1) Mišljenje o potrebi vršenja strateške procjene obuhvata podatke o vrsti plana i odluku o potrebi vršenja strateške procjene sa obrazloženjem.
- (2) U slučaju da je potrebno provesti stratešku procjenu, mišljenje obuhvata i:
 - a) komponente okoliša koji trebaju biti uključene u stratešku procjenu;
 - b) odluku o izradi procjene uticaja na zaštićena prirodna područja i zaštićene vrste i staništa;
 - c) obavezu formiranja stručne komisije;
 - d) listu zainteresiranih organa.
- (3) U postupku davanja mišljenja o potrebi vršenja strateške procjene, ministarstvo može zatražiti i mišljenje zainteresiranih organa.
- (4) Elemente odluke iz stava (1) ovog člana nosilac pripreme plana integrira u odluku o pristupanju izradi ili izmjeni plana i dopunjava:
 - a) obavezama nosioca izrade strateške studije;
 - b) načinom učešća zainteresiranih organa i javnosti;
 - c) načinom osiguranja sredstava za izradu strateške procjene.
- (5) Ministarstvo je obavezno da se, prilikom odlučivanja o potrebi vršenja strateške procjene, pridržava odredbi Zakona o zaštiti okoliša Federacije BiH i kriterija propisanih ovom Uredbom.
- (6) Nosilac pripreme plana dužan je provesti stratešku procjenu ukoliko ministarstvo u mišljenju o potrebi vršenja strateške procjene utvrdi da se strateška procjena treba vršiti.
- (7) Ukoliko ministarstvo u mišljenju o potrebi vršenja strateške procjene utvrdi da plan nema značajnijeg uticaja na okoliš, neće se vršiti strateška procjena.

Član 8.

(Nosilac izrade strateške studije)

- (1) Nosilac pripreme plana odlučuje o izboru nosioca izrade strateške studije, po postupku utvrđenom zakonom o javnim nabavkama.
- (2) Nosilac izrade strateške studije je domaće ili strano pravno lice ili poduzetnik registrovano u odgovarajućem registru nadležnog organa matične države za obavljanje poslova izrade planskih dokumenata, studija i analiza uticaja na okoliš.
- (3) Nosilac izrade strateške studije iz stava (2) ovog člana treba imati iskustvo u izradi strateških studija i raspolagati sa multidisciplinarnim timom sastavljenim od stručnih lica kvalifikovanih za analizu svake komponente okoliša strateške procjene.
- (4) Stručno lice iz stava (3) ovog člana kvalifikovano je za izradu strateške procjene, odnosno strateške studije ako ima visoku stručnu spremu odgovarajućeg smjera i najmanje pet godina rada u struci, stručne reference odnosno učešće u izradi najmanje dvije strateške studije.
- (5) Pravna lica koja učestvuju u izradi plana, ne mogu biti angažirana na izradi strateške studije.

POGLAVLJE III – POSTUPAK VRŠENJA STRATEŠKE PROCJENE

Član 9.

(Obim strateške studije)

- (1) Strateška studija je dokument u kome se identificiraju, opisuju i procjenjuju značajni uticaji provođenja plana na okoliš, uključujući biološku raznolikost, stanovništvo, zdravlje ljudi, faunu, floru, tlo, vode, zrak, klimatske faktore, materijalnu imovinu,

- kulturno-historijsku baštinu, uključujući arhitektonsku i arheološku baštinu, pejzaž i međusobni odnos navedenih faktora.
- (2) Strateška studija je dokument u kome se identificiraju, opisuju i procjenjuju moguće alternative, koje uzimaju u obzir ciljeve zaštite okoliša i karakteristike područja na koje se plan odnosi.
 - (3) U plan se mogu uključiti samo ona alternativna rješenja koja nemaju značajnih uticaja na okoliš.

Član 10.
(Sadržaj strateške studije)

- (1) Strateška studija generalno obuhvata slijedeće elemente:
 - a) kratki pregled sadržaja i ciljeva plana, te odnos prema drugim relevantnim planovima;
 - b) opis i procjenu postojećeg stanja okoliša i vjerovatni razvoj stanja okoliša ako se plan ne implementira;
 - c) informacije o mogućim okolišnim problemima koji su značajni za plan, pogotovo onim, koji su povezani sa zaštićenim područjima;
 - d) okolišne ciljeve plana sa obrazloženjem njihovog izbora i način na koji su se ti ciljevi i druga pitanja okoliša uzeli u obzir tijekom izrade plana;
 - e) značajne uticaje plana koji mogu biti direktni, indirektni, kumulativni, kratkoročni, srednjoročni i dugoročni, trajni i privremeni, pozitivni i negativni, a odnose se na sve komponente okoliša utvrđene posebnim propisima;
 - f) opis načina provođenja strateške procjene, uključujući odabranu metodologiju i eventualne poteškoće na koje se naišlo pri prikupljanju potrebnih informacija;
 - g) mjere zaštite okoliša, uključujući mjere sprječavanja, smanjenja, ublažavanja i kompenzacije nepovoljnih uticaja provedbe plana na okoliš;
 - h) opis razloga za izbor alternativnih rješenja sa stanovišta zaštite okoliša;
 - i) program praćenja stanja okoliša u toku implementacije plana (monitoring);
 - j) skraćeni sadržaj strateške studije sa obrazloženjem koji nije tehničke prirode, a pribavljen je na temelju prethodnih točaka;
 - k) druge podatke od značaja za stratešku procjenu.
- (2) Moguća odstupanja od sadržaja strateške studije se definiraju u fazi određivanja sadržaja strateške studije.

Član 11.
(Proces izrade strateške studije)

Izrada strateške studije od strane nosioca izrade strateške studije obuhvata šest vremenski razdvojenih dijelova koji zajedno čine cjelinu:

- a) definiranje obima i sadržaja strateške studije;
- b) procjena alternativnih rješenja;
- c) strateška procjena plana u odnosu na odabrano rješenje;
- d) provjera uključenja zaključaka strateške studije u plan;
- e) dopune nakon učešća javnosti;
- f) usuglašenost prijedloga plana sa strateškom studijom.

Član 12.
(Stručna komisija)

- (1) Ministarstvo na osnovu obima strateške studije formira stručnu komisiju za ocjenu strateške studije i utvrđuje prava i obaveze članova komisije, rokove i način izvještavanja.
- (2) Do donošenja podzakonskog akta Vlade Federacije BiH kojim se propisuje lista osoba koje se mogu uključiti u stručnu komisiju, ministarstvo utvrđuje listu članova stručne komisije iz redova znanstvenih i stručnih djelatnika.
- (3) Troškove rada stručne komisije za ocjenu strateške studije snosi nosilac pripreme plana.

Član 13.
(Ocjena strateške studije)

- (1) Nosilac pripreme plana dostavlja stručnoj komisiji i zainteresiranim organima stratešku studiju na ocjenu, a plan na uvid.
- (2) Zainteresirani organi daju svoja mišljenja u roku od 20 dana od dana zaprimanja strateške studije i plana. Ukoliko se mišljenje ne dostavi u roku, smatra se da nema primjedbi na dostavljenu stratešku studiju.
- (3) Stručna komisija daje ocjenu strateške studije u roku od 30 dana od dana zaprimanja strateške studije i plana. Ocjena se daje u obliku zapisnika sjednice stručne komisije.
- (4) Na sjednici iz stava (3) ovog člana prisutni su članovi stručne komisije, nosilac pripreme plana, nosilac izrade plana, nosilac izrade strateške studije i po potrebi zainteresirani organi.
- (5) Na osnovu ocjene stručne komisije i mišljenja zainteresiranih organa, nosilac izrade strateške studije prema potrebi dopunjava stratešku studiju i ponovno je dostavlja na ocjenu stručnoj komisiji.
- (6) Stručna komisija daje ocjenu u roku od 15 dana od dana zaprimanja dopune strateške studije.
- (7) Ministarstvo daje mišljenje na stratešku studiju na osnovu ocjene stručne komisije u roku od 30 dana od dana zaprimanja zahtjeva.
- (8) Nosilac pripreme plana ne može uputiti plan u dalju proceduru bez pozitivnog mišljenja ministarstva.
- (9) Nosilac pripreme plana dužan je ugraditi stratešku studiju u plan prije javnog uvida i javne rasprave.

Član 14.
(Učešće javnosti)

- (1) Nosilac pripreme plana osigurava učešće javnosti u postupku razmatranja nacrt plana i strateške studije, koje nije kraće od 30 dana.
- (2) Nosilac pripreme plana obavještava javnost o načinu i rokovima za vršenje uvida u nacrt plana i stratešku studiju, o načinu i rokovima za dostavljanje primjedbi, kao i o vremenu i mjestu održavanja javne rasprave, putem tiražnog pisanog sredstva javnog informisanja koje izlazi na području Kantona Sarajevo, kao i svoje internet stranice.
- (3) Organ iz stava (1) ovog člana u roku od 30 dana od dana završetka javne rasprave, izrađuje izvještaj o učešću zainteresiranih strana i javnosti, koji objavljuje na svojoj internet stranici.
- (4) Nosilac izrade strateške studije prema relevantnim primjedbama javnosti dopunjava stratešku studiju.

Član 15.

(Potvrđivanje strateške studije i usaglašenost prijedloga plana sa strateškom studijom)

- (1) U postupku potvrđivanja strateške studije nosilac pripreme plana dostavlja stručnoj komisiji stratešku studiju dopunjenu prema stavu (4) člana 14. na ocjenu i plan na uvid. Stručna komisija ocjenjuje stratešku studiju u roku od 15 dana od dana zaprimanja strateške studije.
- (2) Nosilac pripreme plana prije donošenja završnog dokumenta plana dostavlja ministarstvu ocjenu stručne komisije iz stava (1) ovog člana, završni dokument strateške studije i završni dokument plana u svrhu ocjenjivanja strateške studije i provjere da li su rezultati strateške studije ugrađeni u prijedlog plana.
- (3) Ministarstvo potvrđuje završni dokument strateške studije i usuglašenost prijedloga plana sa strateškom studijom u roku od 30 dana od dana prijema zahtjeva.
- (4) Nosilac pripreme plana ne može uputiti plan na donošenje bez potvrde strateške studije i usuglašenosti prijedloga plana sa strateškom studijom od strane ministarstva.

POGLAVLJE IV – NADZOR

Član 16.

(Nadzor)

- (1) Nadzor nad primjenom odredaba ove Uredbe vrši ministarstvo.
- (2) Inspeksijski nadzor vrše kantonalni inspektori zaštite okoliša i urbanističko-građevinski inspektori u slučaju planova iz oblasti prostornog planiranja, svaki u okviru svoje nadležnosti.

POGLAVLJE V – PREKRŠAJI

Član 17.

(Prekršaj u postupku pripreme i izrade planskog dokumenta)

- (1) Novčanom kaznom za prekršaj u iznosu od 10.000 do 30.000 KM kaznit će se pravno lice ako:
 - a) postupi suprotno članu 5. stav (3);
 - b) postupi suprotno članu 15. st. (2) i (4).
- (2) Za prekršaj iz stava (1) ovog člana kaznit će se i odgovorno lice u pravnom licu novčanom kaznom u iznosu od 1.500 do 3.000 KM.

POGLAVLJE VI – SREDSTVA

Član 18.

(Sredstva za stratešku procjenu)

Sredstva za stratešku procjenu osigurava nosilac pripreme plana.

POGLAVLJE VII – PRELAZNE I ZAVRŠNE ODREDBE

Član 19.

(Započeti planovi)

Planovi čija je izrada započeta prije stupanja na snagu ove Uredbe nastaviti će se po ranije utvrđenom postupku.

Član 20.
(Prilog)

Prilog I čini sastavni dio ove Uredbe.

Član 21.
(Stupanje na snagu)

Ova Uredba stupa na snagu osmog dana od dana objavljivanja u „Službenim novinama Kantona Sarajevo“.

Član 22.
(Prestanak važenja Uredbe o strategijskoj procjeni uticaja planova i programa na okoliš)
Donošenjem ove Uredbe prestaje da važi Uredba o strategijskoj procjeni uticaja planova i programa na okoliš („Službene novine Kantona Sarajevo“, broj 32/11).

Broj: _____

Sarajevo

Premijer
Vlade Kantona Sarajevo

PRILOG I: PROCJENA O POTREBI VRŠENJA STRATEŠKE PROCJENE UTICAJA NA OKOLIŠ

A. Opći podaci o planu

A.1. Nadležno tijelo za izradu plana	
A.2. Naziv plana	
A.3. Razina plana	<input type="checkbox"/> kantonalna <input type="checkbox"/> općinska <input type="checkbox"/> grad Sarajevo
A.4. Vrsta plana	<input type="checkbox"/> novi plan <input type="checkbox"/> izmjene i dopune plana
A.5. Plan predstavlja potencijalni okvir za finansiranje iz sredstava EU	<input type="checkbox"/> da <input type="checkbox"/> ne
A.6. Plan višeg reda	
A.7. Provedba SPUO za plan višeg reda	<input type="checkbox"/> da <input type="checkbox"/> ne <i>(Navesti osnovne podatke o provedenoj SPUO)</i>
A.8. Obuhvat plana i područje na koje može provedba plana imati uticaje (kartografski prikaz)	
A.9. Karakteristike plana – podaci o planu, razlozi donošenja, ciljevi i programska polazišta	

B. Procjena mogućih značajnih uticaja plana na okoliš

B.1. Plan predstavlja okvir za provedbu zahvata za koje se provodi postupak procjene uticaja na okoliš sukladno zakonu	<input type="checkbox"/> da <input type="checkbox"/> ne <i>(Navesti i opisati zahvate.)</i>															
<p>Vrsta pogona i postrojenja utvrđena Pravilnikom o pogonima i postrojenjima za koje je obavezna procjena uticaja na okoliš i pogonima i postrojenjima koji mogu biti izgrađeni i pušteni u rad samo ako imaju okolinsku dozvolu („Službene novine FBiH“, br. 19/04): <i>(Ako je za tu razinu planiranja moguće.)</i></p> <p style="text-align: center;">Član 4. Član 6. Član 8. Član 2.</p> <table style="width: 100%; border: none;"> <tr> <td style="width: 25%;">1. Energetska industrija</td> <td style="width: 12.5%;"><input type="checkbox"/> a)</td> <td style="width: 12.5%;"><input type="checkbox"/> a)</td> <td style="width: 12.5%;"><input type="checkbox"/> a)</td> <td style="width: 12.5%;"><input type="checkbox"/></td> </tr> <tr> <td>2. Hemijska industrija</td> <td><input type="checkbox"/> b)</td> <td><input type="checkbox"/> b)</td> <td><input type="checkbox"/> é)</td> <td><input type="checkbox"/></td> </tr> <tr> <td>3. Metalna industrija/ Proizvodnja i prerada metala</td> <td><input type="checkbox"/> c)</td> <td><input type="checkbox"/> c)</td> <td><input type="checkbox"/> b)</td> <td><input type="checkbox"/></td> </tr> </table>		1. Energetska industrija	<input type="checkbox"/> a)	<input type="checkbox"/> a)	<input type="checkbox"/> a)	<input type="checkbox"/>	2. Hemijska industrija	<input type="checkbox"/> b)	<input type="checkbox"/> b)	<input type="checkbox"/> é)	<input type="checkbox"/>	3. Metalna industrija/ Proizvodnja i prerada metala	<input type="checkbox"/> c)	<input type="checkbox"/> c)	<input type="checkbox"/> b)	<input type="checkbox"/>
1. Energetska industrija	<input type="checkbox"/> a)	<input type="checkbox"/> a)	<input type="checkbox"/> a)	<input type="checkbox"/>												
2. Hemijska industrija	<input type="checkbox"/> b)	<input type="checkbox"/> b)	<input type="checkbox"/> é)	<input type="checkbox"/>												
3. Metalna industrija/ Proizvodnja i prerada metala	<input type="checkbox"/> c)	<input type="checkbox"/> c)	<input type="checkbox"/> b)	<input type="checkbox"/>												

4. Mineralna industrija	<input type="checkbox"/> č)	<input type="checkbox"/> č)	<input type="checkbox"/> č)	<input type="checkbox"/>
5. Infrastrukturni projekti	<input type="checkbox"/> é)	<input type="checkbox"/> f)		<input type="checkbox"/>
6. Upravljanje otpadom	<input type="checkbox"/> d)			<input type="checkbox"/>
7. Upravljanje vodama	<input type="checkbox"/> dž)			<input type="checkbox"/>
8. Ekstraktivna industrija	<input type="checkbox"/> đ)	<input type="checkbox"/> d)		<input type="checkbox"/>
9. Poljoprivreda, šumarstvo i vodoprivreda	<input type="checkbox"/> e)	<input type="checkbox"/> é)		<input type="checkbox"/>
10. Prehrambena industrija	<input type="checkbox"/> f)	<input type="checkbox"/> dž)		<input type="checkbox"/>
11. Tekstilna, kožarska, drvna i papirna industrija	<input type="checkbox"/> g)	<input type="checkbox"/> đ)		<input type="checkbox"/>
12. Infrastrukturni i drugi projekti	<input type="checkbox"/> h)			<input type="checkbox"/>
13. Industrija gume		<input type="checkbox"/> e)		<input type="checkbox"/>
14. Ostali projekti		<input type="checkbox"/> g)		<input type="checkbox"/>
15. Turizam i zabava		<input type="checkbox"/> h)		<input type="checkbox"/>
16. Rudarstvo			<input type="checkbox"/> c)	<input type="checkbox"/>
17. Celuloza i papir, drvo i tekstil			<input type="checkbox"/> d)	<input type="checkbox"/>
18. Prehrambena industrija i poljoprivredna proizvodnja			<input type="checkbox"/> dž)	<input type="checkbox"/>
19. Površinska obrada			<input type="checkbox"/> đ)	<input type="checkbox"/>
			Član 10.	Član 11.
20 Pogoni i postrojenja za koje postoji opasnost od nesreća većih razmjera			<input type="checkbox"/>	<input type="checkbox"/>
B.2. Plan predstavlja okvir za razvoj projekata, koji bi mogli imati značajne uticaje na okoliš pojedinačno ili kumulativno	<input type="checkbox"/> da	<input type="checkbox"/> ne		
	(Navesti i opisati projekte.)			
Osjetljiva područja na koja plan može imat uticaj:				
1. Koridor prozračivanja				<input type="checkbox"/>
2. Vode (potok, rijeka, jezero)				<input type="checkbox"/>
3. Priobalna zona površinskog toka				<input type="checkbox"/>
4. Izvorište i/ili vodozaštitna zona				<input type="checkbox"/>
5. Poplavna zona				<input type="checkbox"/>
6. Kraško područje				<input type="checkbox"/>
7. Erozijsko područje				<input type="checkbox"/>
8. Poljoprivredno zemljište 1. kategorije				<input type="checkbox"/>
9. Šumski rezervat				<input type="checkbox"/>
10. Šuma posebne namjene				<input type="checkbox"/>
11. Zaštitna šuma				<input type="checkbox"/>
12. Lovnouzgojni rezervat				<input type="checkbox"/>
13. Područje rijetkih i ugroženih biljnih i životinjskih vrsta				<input type="checkbox"/>
14. Močvarno područje				<input type="checkbox"/>
15. Kulturno-historijsko naslijeđe				<input type="checkbox"/>

16. Izuzetna pejzažna vrijednost	<input type="checkbox"/>
17. Arheološki lokalitet	<input type="checkbox"/>
Područja u kojim su standardi kvaliteta okoliša prekoračeni postojećim pogonima, postrojenjima i aktivnostima	
18. Kvaliteta zraka	<input type="checkbox"/>
19. Razina buke	<input type="checkbox"/>
20. Kvaliteta i/ili količina pitke vode	<input type="checkbox"/>

C. Ocjena mogućih značajnih uticaja plana na ekološku mrežu

C.1. Plan predstavlja okvir za provedbu zahvata u području ekološke mreže ili u području udaljenog uticaja na ekološku mrežu	<input type="checkbox"/> da (Navesti i opisati zahvate.)	<input type="checkbox"/> ne
Područja koja imaju predispozicije za uključenje u ekološku mrežu	Zahvat na području	Zahvat u području udaljenog uticaja
1. Zaštićena prirodna vrijednost	<input type="checkbox"/>	<input type="checkbox"/>
2. Cjeline prirodnog nasljeđa prema Prostornom planu Kantona Sarajevo	<input type="checkbox"/>	<input type="checkbox"/>

POPUNJAVA MINISTARSTVO

D. Zaključci

D.1. Obrazloženje zašto za plan <input type="checkbox"/> treba / <input type="checkbox"/> ne treba provesti SPUO
D.2. Obrazloženje zašto za plan <input type="checkbox"/> treba / <input type="checkbox"/> ne treba provesti postupak procjene uticaja plana na zaštićena područja, zaštićene vrste i staništa:

E. Prilozi

- E.1. Mišljenja zainteresiranih organa koja su stigla u propisanom roku
- E.2. Lista relevantnih zainteresiranih organa
- E.3. Ostala dokumentacija
- E.4.

Mjesto i datum: , . .20

O B R A Z L O Ź E N J E

PRAVNI OSNOV:

Pravni osnov za donošenje ove uredbe sadržan je u odredbama čl. 26. i 28. stav (1) Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćeni tekst i 37/14 - Ispravka), kojima je utvrđeno da Vlada Kantona Sarajevo u okviru svojih nadležnosti utvrđenih Ustavom Kantona Sarajevo, donosi uredbe, odluke, rješenja i zaključke, kao i da se uredbom, između ostalog, bliže uređuju odnosi za provođenje zakona.

Odredbom člana 52. stav 4. Zakona o zaštiti okoliša ("Službene novine FBiH", br. 33/03 i 38/09) je propisano da, Strategijsku procjenu okoliša iz kantonalne nadležnosti donosi vlada kantona.

RAZLOZI ZA DONOŠENJE:

Strateška procjena okoliša, odnosno stratešku procjenu uticaja strategija, planova i programa na okoliš kao sistemski proces vrednovanja okolinskih posljedica predloženih planova, programa ili strategija propisuju čl. 51. i 52. Zakona o zaštiti okoliša FBiH („Službene novine Federacije BiH“, br. 33/03 i 38/09). U međuvremenu je izrađen novi Zakon o zaštiti okoliša u Federaciji BiH, koji detaljnije razrađuje stratešku procjenu okoliša, a u članu 52. predviđa se i priprema podzakonskog akta koji će detaljnije regulirati utvrđivanje obima, sadržaja i ocjene strateške studije. Prijedlog Zakona je još uvijek u proceduri donošenja.

Takođe, član 34. stav (1) i (3) Zakona o prostornom uređenju Kantona Sarajevo ("Sl. novine Kantona Sarajevo", br. 24/17 i 1/18) propisuje da, prije pristupanja izradi ili izmjene planskih dokumenata, Skupština kantona, Gradsko ili općinsko vijeće, zavisno od nadležnosti za donošenje, donosi Odluku o pristupanju izradi ili izmjeni planskih dokumenata, kao i da Odluka o pristupanju izradi Prostornog plana Kantona obavezno sadrži Stratešku procjenu uticaja na okoliš, dok se za ostale planske dokumente ova obaveza utvrđuje po prethodno pribavljenom mišljenju Ministarstva u skladu sa posebnim propisima.

Na nivou Kantona Sarajevo je, u skladu sa Zakonom o zaštiti okoliša FBiH, na snazi Uredba o strategijskoj procjeni uticaja planova i programa na okoliš ("Službene novine Kantona Sarajevo", broj 32/11) kojom se uređuju uslovi, način i postupak vršenja procjene uticaja određenih planova i programa na okoliš (u daljem tekstu: strateška procjena), radi obezbjeđivanja visokog nivoa zaštite okoliša i unapređenja održivog razvoja integracijom osnovnih načela zaštite u postupak pripreme i usvajanja planova i programa.

Ministarstvo je ocijenilo da treba izraditi novu Uredbu o strateškoj procjeni uticaja strategija, planova i programa na okoliš, u čijoj pripremi su korištena iskustva iz drugih zemalja EU koje su imale slične probleme u praksi prilikom usvajanja i provođenja Strateške procjene. Na taj način se kroz edukaciju nosioca planiranja i Strateške procjene uticaja na okoliš izrađivača planova i nadležnih za pripremu strateških studija, harmonizira proces pripreme i procjene planova, što doprinosi ciljevima direktive, a to je da planovi imaju što manji negativni uticaj na okoliš. Da bi se to postiglo, treba uskladiti procese pripreme planova i njihove procjene, kako bi se oba procesa (proces planiranja i procjene) mogla vršiti paralelno. Pored Uredbe, Ministarstvo je izradilo i Priručnik o strateškoj procjeni uticaja na okoliš u Kantonu Sarajevo.

Glavne novine u odnosu na važeću Uredbu ogledaju se u slijedećem:

U novoj Uredbi su usklađeni pojmovi sa Prijedlogom Zakona o zaštiti okoliša Federacije BiH, koji čeka na potvrdu od strane Doma naroda Parlamenta Federacije BiH, te se umjesto pojma „strategijska procjena“ koristi pojam „strateška procjena“, a umjesto riječi „Izvještaj o strategijskoj procjeni“ koriste se riječi „Strateška studija“.

Novom Uredbom preciznije je propisan način provođenja strateške procjene.

Članom 11. Uredbe je propisan proces izrade Strateške studije kroz šest vremenski razdvojenih dijelova, koji zajedno čine cjelinu.

Članom 12. Uredbe utvrđuje se obaveza formiranja stručne komisije za ocjenu strateške studije.

Članom 13., 14. i 15. Uredbe detaljnije se propisuje način ocjene strateške studije, način učešća javnosti, te postupak potvrđivanja strateške studije i provjera usaglašenosti plana sa strateškom studijom.

Članom 16. Uredbe je propisan i inspekcijski nadzor nad provedbom Uredbe, što je propušteno u važećoj Uredbi.

Članom 17. Uredbe propisani su prekršaji, budući da postojećim Zakonom o zaštiti okoliša i prijedlogom novog Zakona nisu predviđene sankcije u slučaju izbjegavanja obaveze provođenja strateške procjene uticaja plana na okoliš i u slučaju nedostavljanja Ministarstvu ocjene stručne komisije, završnog dokumenta strateške studije i završnog dokumenta u svrhu provjere da li su rezultati strateške studije ugrađeni u prijedlog plana.